


Calumnia y difamacion di parti docter a termina cu maltrato pisa



ORANJESTAD(AAN)—

Actualmente tin un keho pisa contra Dr. J.R.v.d.L. pa difamacion, y maltrato cu un taki di biljard contra esposo di un patient di e docter.

E persona envolvi a haci keho na polis for di dia 14 di e luna aki y cu a bin resulta cu nada a ser traha ariba, te cu obligatoriamente el a acudi na fiscal mes pa entrega e keho.

E episodio segun e informacionnan ricibi, a cuminsa mey mey di februari cu e señora di e persona maltrata a bay su docter cu ta e docter menciona ariba.

Secretaria di e docter no a trate corecto, segun e keho cu ta basta amplio encuanto locual a pasa eyan.

E esposo a bay averigua e asunto aki y a ricibi tambe reglamentonan di e consulta, cu cual reglamento e secretaria lo no a cumpli tampoco.

E persona a bay centro Medico cu su señora pero aki e señora no por a haya asistencia

y Dr. Bottia no por a firma verwijsbrief tampoco pa otro docter por a asisti e señora. Dr. Bottia a conseha pa bolbe na consultorio di Dr. v.d.L. y pidi e secretaria pa apunta un otro docter (dr. v.d. L no tabata na Aruba) manera e reglamento ta prescribi.

E esposo a ser bisa cu su señora a haya problema di conducta caba na consulta di Dr. Luchman y e esposo a muestra e secretaria cu problema no tabata tin. Ta kier su señora no tabata kier pa e secretaria pase hangua den su lomba pasobra esey ta trabao di docter y cu e mester splica dr. Luchmann cu e ta patient di Dr. Falconi. E dia ey el a bay Dr. Luchmann pasobra oficina di Dr. v.d.L. tabata cera cu papel na porta indicando cu mester bay na Dr. Luchmann. E señora a ser bisa cu e lo tin cu warda te ora cu tur patient di dr. Luchmann haya tratamento y despues ta bin e otro

patientnan.

Mientras tanto pafu un patient a acerca esposo di e señora, insultando e señora (frase ta mucho baho pa menciona aki) y ora cu e señora a sali, e esposo a indica na e patient masculino cu ta trata aki di su señora.

E patient cu a ripara cu el apega barco cu e esposo a bay aden disgusta, y no ta conoci kico e lo a bisa paden, pero for di e momento ey e situacion na e consultorio aki a cambia.

Y aki a cuminsa mas bien e motibo pa difama e señora y su esposo, despues cu e esposo a laga sa di lo entrega keho na AZV riba locual ta pasando aki.

E relato completo a ser manda di tur esaki na AZV tambe y ta mas completo cu e resumen aki.

Dia 14 di e luna aki, e esposo a ricibi carta registra di Dr.v.d.L. den cual e esposo ta ser muestra di tabata

“onbeschoft y agressief” y cu e lo a usa comentarionan insolente contra secretaria di e docter, y ademas ta exclui e señora for di su lista di patient.

Esaki a cay malo serca e esposo cu no a acepta nada di esaki y considera esaki como calumnia y difamacion sin cu e docter tabata presente ningun momento y sin cu e docter a scucha su version. Mes ora el a bay na consultorio di e docter pa un splicacion y busca dossier di e señora.

E esposo a keda den auto y su señora a dreña.

Segun e señora, den consultorio un cabayero empleado no kier a scucha version di loke a conduci na e carta y a expresa su mes discriminatorio na e señora tambe y den presencia di e docter y mas patient.

Na yoramento e señora a bay conta su esposo kico apasay e esposo na celular for di auto a yama e consultorio. el a haya

e empleado na linea y kende a laga sa cu docter no kier scucha nada di version. Aki el a conta e empleado di e sucedido y cu e lo bay kehana AZV y entrega keho di difamacion di su nomber, na polis.

E esposo e mes atardi a papia cu Sr. Bart di AZV riba e suceso y recorde riba e keho anterior di sucedido na consultorio di Dr. Luchmann. Sr. Bart lo a bisa cu e mester a haci keho, y a ser splica cu e señora no tabata kier pasobra e no “kier kima pan di ningun hende y pa lage den man di Dios”.

Pero cu awor cu e docter no kier scucha ni e esposo ni e esposa e mester entrega un keho oficial na AZV. (copia di e carta aki DIARIO a logra haya tambe).


A bay AZV atardi pa pidi pa docter di cas nobo y a ser bisa cu e keho mester ser haci por escrito.

E pareha a sali di AZV bay polis duna keho di calumnia y difamacion.

For di eyan a bolbe cas pero a pasa na Zeerover pa cumpra pisa.

Aki ta unda e esposo a ser agredi pa e docter y maltrata severamente y termina pa varios dia den hospital, manera por lesa den otro articulo di e edicion aki.

PUEBLO TAMBE TIN TRIKI!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

FOOT PUMP

**Foot
Pomp
Afl: 12,95**